



Paul Huonder (1966 – 2002)

Tut surura, tut tgeuamein ha el bandunau il terrester en consequenza d'ina disdida dil cor. Il Paul Huonder cun ses mo 36 onns.

Il Paul ei naschius ils 27 da schaner 1966 a Sedrun sco fegl da Tumaisch Aluis ed Ursula naschida Seeli. Sia affonza ha el passentau sisum il vitg en in ambient puril, en in ambient intact ella vischinanza d'ina biala natira ensemes cun ses treis frars pli vegls ed in pli giuven. A Sedrun ha el frequentau l'entschatta dala scola per suenter terminar la scolazion populara a Mustér. El Valeis frequenta el in emprendissadi e termimescha quel sco pedel.

A Cuera anfla el siu emprem camp da lavur. Duront tredisch onns lavura el sco pedel en la casa d'impedi a Cuera/Masans. Pli tard s'engascha el sco hortulan ella fatschenta Arbes Montalin, medemamein a Cuera. Leu eis el staus engaschaus entochen la mort prematura che ha terminau sia veta ils 23 d'avrel 2002.

A Cuera veva el sia habitaziun. Savens vesev'ins el a Cuera el marcau; adina cun in surrir en sia fatscha e prompts per in discours. El leva oravontut esser sur sesez, gie buca dependents dad auters. E siu hoby preferiu fuva igl ir sin viadis. Mirar il mund, schar impressiuniar da tut il bi, ambient e veta. Fascinaus fuva el dils animals, ch'el carezava ed admirava cun tut special dun e sentiment. Gie buca far mal als auters, quei fuva la devisa ed il patertgar dil Paul. Buca parmelar il concarstgaun, mo buca carplinas e discordias. Cun gliez saveva el buca viver, ed el piteva.

Duront sia entira cuorta veta ha el giu da farcun la sanadad e la finfinala, ha el stuiu bandunar quest mund, ses geniturs e fargliuns, ses concarstgauns, e quei en ses megliers onns. Dapi ils 26 d'avrel 2002 ruaussa il Paul sin santeri da s.Vigeli. Il Paul ei buca pli. El ha fatg lartg als da casa. El ei buca pli denter nus. Il Paul mereta la consolazion da Diu ed el rauassi en la beada pasch.

